

7346

2. 2. 7.

Օրագիր հայ հեղուկներու կազմի

նաշնորհագրութեան

Պոլս

1508.

329.14

2-24



MS

010



3911



Հ. Յ. ԴՈՇՆԱԿՅՈՒԹԻՒՆ

Ծ Ր Ա Գ Ի Ր

PROGRAMME  
de la Fédération Révolutionnaire Arménienne

1908

ՊՈՒԻՍ

Հրատ.

„Պրոցուկ“




329.14

Σ - 24

Հ. Յ. ԴԱՇՆԱԿՅՈՒԹԻՒՆ

# Ծ Ր Ա Գ Ի Ր

100-3911



Հրատ. «Պրոսպեկտ»



1906  
Կ. ՊՈԼԻՍ



2002

Ծ Ր Ա Գ Ի Ր

I

Ը Ն Գ Հ Ա Ն Ո Ւ Ր Տ Ե Ս Ո Ւ Թ Ի Ի Ն

Մարդկութեան առաջադիմութիւնը, որ գնալով ազատում է մարդուն բնութեան ուժերի հպատակութիւնից և նրա հլու սպասաւորը դարձնում երբեմն ասոււածներին, չէ կարող կատարեալ նկատուիլ, քանի դեռ մարդկային մտքի և աշխատանքի նւաճումները հաւասարապէս չեն ծառայի հասարակութեան բոլոր անդամների բարօրութեան:

Բոլոր հասարակութիւնների մէջ՝ դեռ անյիշատակ ժամանակներից ի վեր՝ մենք դիտում ենք դասակարգային բաժանումներ—խլոզներ և հպատակներ, կեղեքողներ և կեղեքւողներ:

Հասարակութիւնը ամեն տեղ վերածւած է երկու անհաւասար հատւածների. — շահագործող փոքրամասնութիւնը, իր ձեռքն առած համայնքի, ցեղի հասարակական և քաղաքական կեանքի ղեկը, ըստեղծում է օրէնքներ ու իրաւակարգեր, որոնց միջոցով խլում է աշխատաւոր մեծամասնութեան ձեռքից նրա արտադրած բարիքները և դարձնում նոր

Պրոպագանդա  
ՀԱՄԱՐ  
ԿԱՐՏՈՒՄԻՆ

93481-42

1590-2002



գէնք՝ նոյն աշխատաւորներին աւելի և աւելի հպատակեցնելու, կեղեքելու համար:

Աշխատանքի կազմակերպւած շահագործման նախնական և ամենակոպիտ ձեւն էր հնադարեան ս տ ր կ ու թ ի լ ը ն ք, մի սիստէմ՝ որով աշխատաւորների ահագին բանակներ, զուրկ մարդկային ամենատարրական իրաւունքներից, մատնւած էին իրենց տէրերի անսահման քմահաճոյքին:

Նրան յաջորդեց միջնագարեան ճ ո Ր տ ու թ ի լ ը ն ք, համեմատաբար աւելի մեղմ, բայց աւելի լայն շրջան ընդգրկող սիստէմ, ուր աւատականութիւնը (ֆէօդալիզմ) — թագաւոր ու զօրավարներ, վասսալներ, աշխարհիկ ու հոգեւոր իշխանութիւններ — կազմակերպւած իրբեւ կեղեքիչների մի հղօր ու համատարած բանակ, ծծում էր բազմամիլիօն գիւղացիութեան վաստակը, հրով ու սրով լուեցնելով նրա ազատագրական ամեն մի ձգտումը:

Փոքր ինչ ազատ շունչ էին քաշում այդ միջնագարեան հասարակութեան մէջ՝ առեւտրական ու արհեստաւոր դասերը, որոնց ծառայութեանը առանձնապէս պէտք ունէին իշխողները: Արդիւնագործութեան ու հաղորդակցութեան միջոցները զարգացման հետ՝ բընական անտեսութիւնը միշտ աւելի և աւելի վերածուում էր փողային տնտեսութեան. հնչուն դրամը դառնում էր փոխանակութեան միակ միջոցը, մի ոյժ, որի առջեւ խոնարհուում էին պատերազմասէր, արկածախնդիր հրամանատարները, և առեւտրական տարրը, իբրեւ այդ նոր ոյժի ներկայացուցիչ, իբրեւ միջնորդ արժէքների փոխանակութեան մէջ, ստանում էր միշտ աւելի ու աւելի ծանրակշիւ գործօնի նշանակութիւն պետական կեանքում, վայելում էր զանազան առանձ-

նաշնորհումներ և յարաբերական ազատութիւն:

Արհեստաւոր տարրերը ևս, շնորհիւ իրենց մէջ վաղաժամ առաջացած համքարական կազմակերպութիւնների ու հաւաքական պայքարների, կարողանում էին որոշ չափով մեղմացնել իրենց դրութեան վրայ ծանրացած ճնշումները:

Ահա այդ տեսակ, համեմատաբար նպաստաւոր պայմաններում աճելով, հասարակական երկու դասերը առաջ բերին ժամանակի ընթացքում այն պատմական, հոչակաւոր երրորդ դասակարգը, բ ու ը ժ ու ա զ ի ա ն, որին վիճակւած էր՝ գիտակից ոյժերի աջակցութեամբ՝ ահագին յեղաշրջում կատարել հասարակական յարաբերութիւնների մէջ:

Հասնելով զարգացման որոշ աստիճանի՝ նա ըմբոստացաւ աւատական կարգերի դէմ և սկսեց կազմակերպւած, երկարատեւ կռիւ: Հրապարակ իջնելով յանուն ազատութեան՝ նա քաշեց իր ետեւից և աշխատաւոր մասսաներին: Աւատական ու յարակից կարգերը չը դիմացան նրանց միացած գրոհին և խորտակեցին: Այդ կարգերի մնացորդները, այլ և այլ չափերով, յարատեւեցին միայն յետամնաց երկըրներում:

Ազատւած աւատականութեան կապանքներից՝ բուրժուազիան մի նոր դարագլուխ բաց արաւ համաշխարհային էւօլիւսիօնի մէջ, հսկայական թռիչք հաղորդեց մարդկային աշխատանքին, արդիւնագործութեան ու առեւտրին:

Այն բոլորը բուրժուազիայի պատմական դերի դրական կողմն է: Սակայն խորտակելով աւատական իրաւակարգը, նոյն բուրժուազիան հաստատեց իր սեփական իշխանութիւնը: Կեղեքման մենաշնորհը՝ վայրենի բիրտ



ուժից անցաւ աւելի քաղաքակիրթ ոյժին — կապիտալին :

Մեծ Յեղափոխութեան հռչակաւոր նշանաբանները — ազատութիւն, հաւասարութիւն, եղբայրութիւն — որոնց համար աշխատաւորը չէր զլացել իր արիւնը թափելու, մնացին իբրև պատրանք նրա համար, իսկ բուրժուազիայի ձեռքին՝ իբրև միջոց գրաւած դիրքը ամբարպնդելու :

Ուրիշ կերպ չէր էլ կարող լինել, քանի դեռ անձեռնմխելի էր մնում մասնաւոր սեփականութեան սկզբունքը, որ հիմնաքարն է հասարակական անհաւասարութեան :



Որքան աւելի է առաջադիմում տեխնիկան, որքան աւելի է զարգանում խոշոր մեքենային արդիւնագործութիւնը, այնքան աւելի է ուժեղանում ու ծաւալուում բուրժուազիայի տիրապետութիւնը : Մանր արդիւնագործողները, անկարող լինելով դիմանալ մրցման, հետզհետէ զրկուում են իրենց աշխատանքի միջոցներից և խտացնում օրավարձով բանող սեփականադուրկներին շարքերը : Արդիւնագործութիւնը կենտրոնանում է : Կապիտալը, հարստութիւնները ամբարուում են շահագործող փոքրամասնութեան ձեռքում, որը յենւած իր նիւթական ուժի վրայ, իր ձեռքն առած քաղաքական դեպքը — առաջադէմ երկրներում, — ձգտում է յաւերժացնել իր դիրքը, յարմարեցնել ամբողջ հասարակական կազմը իր դասակարգային շահերին, դնել իր յատուկ դրօշմը հասարակական բոլոր երեւոյթների վրայ :

Միլիտարիզմի, կանգուն, մշտական զօրաբանակների միջոցով՝ նա ապահովում է ներսում իր տիրապետութիւնը, իսկ դրսում գրաւում է շուկաներ, իբ

ապրանքները արտահանելու համար : Յաճախ արհեստական կերպով նա ոյժ է տալիս միլիտարիզմին՝ ազատ կապիտալների գործադրութեանը նոր ասպարէզներ բանալու նպատակով :

Շահագործելով ազգային, կրօնական ու պետական գաղափարները, նա միևնոյն ժամանակ կանգնում է միջազգային հողի վրայ և շահագործում է նաև միջազգային յարաբերութիւնները :

Տեխնիկայի հսկայական կատարելագործումները, ըստ երևոյթին, պիտի թեթեւացնէին աշխատաւոր մարդու բեռը և նւազ աշխատանքի հետ համեմատաբար աւելի մեծ բաժին յատկացնէին նրան . բայց նրանք հակառակ հետեւանքներ առաջացրին, շնորհիւ մասնաւոր սնտեսութեան սխտէմին : Աշխատանքի մի խոշոր մասը մնում է անվճար, աշխատաւորը ստանում է բաշխման մօտէնտում իր արտադրած արժէքների չնչին մասը միայն : Մեքենաների ներմուծման հետ հետզհետէ նւազեց աշխատաւոր ձեռքերի պահանջը, որոնք վաճառքի նիւթ են դարձած, իբրև շուկայի ապրանք : Աշխատաւորի գործօն մասնակցութեան բաժինը արդիւնագործութեան մէջ միշտ աւելի և աւելի կրճատեց :

Կենտրոնացնելով արդիւնագործութիւնը, սեփականազուրկ դարձնելով մանր արդիւնագործողներին, կապիտալիզմը քայքայման մասնեց աշխատաւորների ընտանիքները, գործարան քաչեց կանանց և նոյն իսկ երեխաներին, մի հանգամանք, որ չէր կարող չը նպաստել օրավարձի նւազման :

Չը նայած անասնձ շահագործումներին ու հարստահարութիւններին, նոյն աշխատաւոր ընդհանրութեան վզին են ընկած իրենց աւերիչ ծանրութեամբ՝ հարկերը, մաքսերը, մենավաճառումները, արքիզները և յարածուն միլիտարիզմի պատուհասը, որի էական նը-



պատակն է ամուր կռել աշխատաւոր ժողովուրդները ստրկութեան շղթաները :

Ոչ պակաս աղէտաբեր է կապիտալիզմը աշխատաւոր դասակարգի համար՝ իր ներքին ճակատագրական հակասութիւններով :

Շնորհիւ մասնաւոր տնտեսութեան սխալմին և գործատէրերի տենդային մրցակցութեան՝ կապիտալիստական արդիւնագործութիւնը անկարող է հաւասարակշռութիւն պահպանել պահանջի և առաջարկի միջև . դրանից առաջ է գալիս արդիւնագործական անարխիա, որի էական յատկանիշներն են՝ պարբերական տագնապներ, մասսային անաշխատութիւն, սնանկութիւններ, գոյութեան ընդհանուր անպահանջութիւն և այլն : Ստեղծուած է վիճակների մի ցայտուն հակապակեր . մի կողմից՝ աշխատաւոր մասսաների մերկ, կիսաքաղց գոյութիւն, միւս կողմից՝ ամբարած առասպելական հարստութիւններ, որոնց մէջ լողում է արտօնաւորած փոքրամասնութիւնը և որոնք սակայն նոյն այդ աշխատաւորների ստեղծագործութիւնն են : Այդպիսով բուրժուական հասարակութեան մէջ ծայրայեղ թշուառութիւնը առաջանում է հէնց ծայրայեղ առատութիւնից :

Կապիտալի կենտրոնացումը և նրա հետ կապած աշխատաւոր խաւերի պրօլետարացումը (սեփականազուրկ դառնալը) տարբեր երկրներում կատարւում է տարբեր ոյժով ու չափերով, համաձայն այդ երկրների առանձնայատուկ — բնական, կուլտուրական, քաղաքական — պայմաններին : Այդ վերջինների շարքում առաջնակարգ տեղ է բռնում հողագործութեան զարգացման ծաւալն ու աստիճանը :

Գիւղական աշխարհում էւօլիւսիօնը տարբեր բնոյթ

ունի : Այնտեղ չի նկատուում հողի կենտրոնացումն : Սակայն կապիտալիզմի բացասական ներգործութիւնը արտայայտուած է նաև այնտեղ՝ գիւղացիական այն տարբերի ճակատագրի վրայ, որոնք ապրում են իրենց սեփական աշխատանքի արդիւնքով, լինեն դրանք գիւղական պրօլետարներ, թէ իրենց մի կտոր հողի վրայ աշխատող գիւղացիներ :

Մինչդեռ արդիւնագործական, ինդուստրիական աշխարհում բանւորութիւնը շահագործուած է կապիտալիստների կողմից ուղղակի, անմիջական կերպով, գիւղում, բացի այն, որ տեղի ունի անուղղակի շահագործումն ապրանքների փոխանակութեան շրջանում, մենք տեսնում ենք նաև ուղղակի շահագործում հողատերերի և գիւղական բուրժուազիայի կողմից՝ կապալի, օրավարձի և փոխատուութեան ձևով :

Այդ բոլորի շնորհիւ դասակարգային հակամարտութիւն առաջ է գալիս նաև գիւղում, ուր մի կողմը կանգնած է ձրիակեր-շահագործողների դասակարգը՝ հողատէրն ու բուրժուան, իսկ միւս կողմը՝ իր քրտինքով ապրող աշխատաւոր գիւղացիութիւնը :

Սրելով այդ երկու դասակարգերի յարաբերութիւնները, կապիտալիստական կարգերն անուղղակի ծանրանում են ուրեմն նաև աշխատաւոր գիւղացիութեան լայն խաւերի վրայ, — ծանրակշիռ հանգամանք մանաւանդ այն երկրներում, ուր գիւղացիութիւնը կազմում է ազգաբնակչութեան գերակշռող տարրը :

Այդպիսով ոչ միայն արդիւնագործական պրօլետարիատը, այլ և աշխատաւոր գիւղացիութիւնը աւելի և աւելի դուրսւմ են անհաշտելի հակառակութեան մէջ՝ տիրող բուրժուա-կապիտալիստական կարգերի հետ :

Տարբեր բնոյթ ունի երկու աշխարհներում նաև



կապիտալիզմի շինարար դերը: Արդիւնագործութեան, ինդուստրիայի աշխարհում կապիտալիզմը՝ համայնացնելով աշխատանքը, տալով բոլոր գործառնութիւնները վարձու աշխատաւորների ձեռքը, հեռացնելով կապիտալիստներին գործուն մասնակցութիւնից արդիւնագործութեան մէջ, նպաստելով պրօլետարիատի դասակարգային ինքնաձանաչութեան աճման ու կազմակերպման՝ դրանով իսկ նախապատրաստում է ապագայ սօցիալիստական հասարակութեան նիւթական և հոգեբանական խարիսխները, հարթում է նրա իրականացման ճանապարհը:

Այդպիսով, ինդուստրիական շրջանում, աշխատանքն արդէն համայնացած լինելով, սօցիալիզմի իրականացումը պահանջում է միայն արդիւնագործութեան միջոցների համայնացումն, մինչդեռ գիւղական աշխարհում, ուր չի նկատում հողերի կենտրոնացում՝ սօցիալիզմի իրականացման համար անհրաժեշտ է համայնացնել և՛ արդիւնաբերութեան միջոցները—հող, մեքենաներ և այլն,—և՛ աշխատանքը՝ կօօպերատիվ ձեռնարկների միջոցով:



Հասարակական ընդհանուր էլօլիսիօնի այդ ընթացքը առաջ բերելով՝ մրցում անհատ շահագործողների միջև, մրցում առանձին երկրիների շահագործող դասակարգերի միջև, կռիւ դրամատէրերի և աշխատաւորների միջև, կռիւ յաճախ նոյնիսկ աշխատաւորական խմբումների միջև — պատճառ է դառնում մարդկային անչափ էներգիայի ապարդիւն վատնումին: Բաժին տալով մարդկութեան մի մասին մաշող աշխատանքը, միւսին պարապ ու զւարճամոլ կեանքը, մէկին թողնելով քայքայել թշուառութիւնից, միւսին այլասեւեւ հարստութիւնից — նա դրանով իսկ հանդիսանում է զօրեղ

խոչընդոտ մարդկային առաջադիմութեան գործում: Կապիտալիզմի սնանկութիւնը ակնբեր է. կուլտուրական առաջադիմութեան դրօշակը իրօք անցել է արդէն աշխատաւոր դասակարգերի ձեռքը, որոնք հակադրում են կապիտալիզմին՝ սօցիալիզմը:

Սօցիալիզմի վարդապետութեամբ առաջնորդելով, աշխատաւոր դասակարգերը ձգտում են վերացնել կապիտալիստական մասնաւոր սեփականութիւնը և նրա հետ կապած անարխիական արդիւնագործութեան սխտէմը, հասարակական ընդհանուր սեփականութիւն դարձնել աշխատանքի, արդիւնագործութեան միջոցները—հողը, հանքերը, գործարանները, հաղորդակցութեան ու փոխանակութեան միջոցները և այլն—և բովանդակ անտեսութիւնը կազմակերպել ու ղեկավարել հաւաքական օրէն:

Այդ հսկայական յեղաշրջումը կը կատարւի յօգուտ ոչ միայն աշխատաւորների, այլ և բովանդակ մարդկութեան: Բայց քանի որ նա հակասում է ունեւոր, իշխող դասակարգերի անմիջական շահերին, ուստի աշխատաւոր ընդհանրութեան ազատագրումը կարող է էապէս կատարւել նոյն աշխատաւորների ճիգերով, ներանց հաւաքական կուռով: Այդ կուռի մէջ միանում են ձեռք-ձեռքի տալիս՝ քաղաքային արդիւնաբերական պրօլետարիատը, աշխատաւոր գիւղացիութիւնը և յեղափոխական ինտելիգենցիան:

Ինչպէս յաճախ դիտւել է պատմութեան ընթացքում, այսօր ևս ամենաառաջադէմ հոսանքի՝ սօցիալիզմի կողմն են անցնում — երբեմն նոյնիսկ իշխող դասակարգերից առաւելապէս գիտակից տարրերը, մտաւոր ու բարոյական ձեղինակութիւնները, որոնք և ուժեղ աջակից են հանդիսանում աշխատաւոր ժողովրդի դատին, նրա վարած կուռին:



Այդ կռիւը մղել է ամբողջ պատմութեան ընթացքում. հարստահարւած աշխատաւորութիւնը ըմբոստացել է յաճախ տիրող ըէժիմի դէմ, բայց անկազմակերպ, տարտամ վիճակում, առանց նպատակի պարզ գիտակցութեան և առաջնորդելով ուրիշ տարրերից, ծառայելով գլխաւորապէս նրանց շահերին: Միայն այն ժամանակ, երբ աշխատաւոր դասակարգերը իրենց արեամբ նւաճեցին քաղաքական և քաղաքացիական շտաբէ քիչ ընդարձակ իրաւունքներ, երբ նրանք ձեռք բերին հնարաւորութիւն՝ որոշ չափով օգտուելու քաղաքակրթութեան ընդհանուր հոսանքից այն ժամանակից միայն նրանք սկսեցին իրենց սեփական քաղաքականութիւնն ունենալ. նրանց ձգտումները՝ մինչ այն անկերպարան՝ արտայայտեցին դասակարգային շահերի ներհակութեան աւելի և աւելի՝ յստակ գիտակցութեամբ, նրանց ըմբոստացումները՝ մինչ այն տարերային ու բաժան-բաժան՝ վերածեցին կազմակերպւած ու սխտէմատիկ պայքարի, աշխատաւորական ուրոյն լօզունգներով:

Սօցիալիստական շարժումը իր էութեամբ միջազգային է: Բոլոր երկրների աշխատաւոր տարրերը, իրրև միևնոյն անտեսական սխտէմի գոհեր, պիտի միանան և արդէն միանում են համաշխարհային մի հզօր եղբայրակցութեան մէջ, ու գիտակ իրենց բարձր առաքելութեան, վստահ իրենց յաղթանակի վրայ, գիմում են կազմակերպւած կռիւ ճանապարհով դէպի նօր, սօցիալիստական կարգերը:



Աշխատաւոր ընդհանրութեան կազմակերպւող և միշտ աւելի աճող ոյժին՝ բուրժուազիան հակադրում է իր յատուկ քաղաքականութիւնը, որը տարբերում է, համաձայն միջավայրի պայմաններին: Այն երկրներում,

ուր նա գերիշխող է, ուր նրա ձեռքումն է քաղաքական ղեկը, նա բացարձակ կռիւ է մղում աշխատաւորական բանակի դէմ, միացնելով իր հետ բեկորները աւատական իշխանութեան, որի դէմ էր հանում նա մի ժամանակ նոյն աշխատաւոր մասսաներին: Իսկ այն երկրներում, ուր աշխատաւոր մասսաները սթափուել են կապիտալիզմի դեռ մատաղ հասակում և սկսել են իրենց կռիւը միաժամանակ շահագործման բոլոր ձևերի դէմ, բուրժուազիան, լինելով թշնամի և՛ միապետական ըէժիմի և՛ աշխատաւորական շարժման՝ մերթ խրախուսում է աշխատաւոր բանակը ընդդէմ միապետութեան, որի գոյութեամբ կաշականդւած է տեսնում իր զարգացումը, մերթ թե է տալիս նոյն միապետութեան, երբ աշխատաւորների աջողութիւնները սպառնում են խախտել իր հիմնական դիրքերը:

Դասակարգային կռիւը բարդանում է մասնաւորապէս այն երկրներում, ուր գերիշխող ազգութեան ներկայացուցիչները, իրենց ձեռքն առնելով պետական և հասարակական բոլոր հաստատութիւնները, ճնշում են թոյլ ազգերին և առահասարակ փօքրամասնութիւն կազմող միութիւններին:

Չրկւելով հասարակական ու պետական կեանքին ակտիվ մասնակցելու հնարաւորութիւնից, տուժելով և նիւթապէս և կուլտուրապէս, այդ թոյլ միութիւնները յետ են մնում առաջդիմութեան ճանապարհի վրայ, և այդպիսով դանդաղում է համամարդկային կուլտուրայի հետ աշխատաւորի սօցիալական ազատագրութիւնը, քանի որ այդպիսով խոչընդոտ է դրւում մի կողմից՝ դասակարգային հակամարտութեան զարգացմանը ճնշւած ազգութիւնների մէջ, միւս կողմից՝ ճնշող ու ճնշող ազգերին պատկանող աշխատաւոր դասակարգերի համերաշխութեանը:



Փոքրիկ, նւաճած կուլտուրական միութիւնների մէջ աշխատաւոր տարերը, կուելով հանդերձ իրենց ցեղակից բուրժուազիայի դէմ, միեւնոյն ժամանակ նախանձախորհրդի բն իրենց ուրոյն աղգային կուլտուրայի, որը ստեղծել է ժողովրդական առանձնայատուկ հոգեբանութիւն:

Աղգային ճնշումների դէմ մղուող կռիւը աւելի յամառ ու յաղթանակող է դառնում՝ շնորհիւ այն հանգամանքի, որ այժմ այդ կուլտուրայի ներկայացուցիչները միայն աղգի «վերին» խաւերը չեն. աղգային կուլտուրան թափանցում է ժողովրդական լայն մասսաների մէջ ու դառնում նրանց սեփականութիւնը և առաջդիմութեան միջոցը: Ժողովրդական մասսաները իրենց իներտ դրութիւնից զիտակից կեանքի ասպարէզ նետուելով, երևան են հանում թագնւած ուժեր՝ կուլտուրական-հասարակական աշխարհում:

Փափաղեւով հանդերձ ոչնչացնել բոլոր սահմաններն ու խտրութիւնները աղգերի միջև, ձգտելով հանդերձ կազմակերպել մէկ, ներդաշնակ, ամբողջական մարդկուցութիւն. իտեղի այսօրւայ կտրատւած, բաժան-բաժան ու հակամարտ աշխարհի, սօցիալիզմի իրականացումը չի պահանջում այժմեան ուրոյն աղգայնական միութիւնների իսպառ ձուլումը. միութիւններ, որոնք իրենց պատմականօրէն ժառանգած բեղմնաւոր առանձնայատկութիւններով կարող են միայն հարստացնել ապագայ սօցիալիստական մարդկութիւնը:



Աշխատաւոր դասակարգերի կռիւը յանուն սօցիալիզմի առաջ է տարւում բոլոր հնարաւոր միջոցներով, — սնտեսական և քաղաքական հողի վրայ: Օգտուելով խոշոր սնտեսութեան ներկայացրած առաւելութիւններից, գործարանական բանւորները ձգտում են կազմա-

կերպել, առաջ տանել տնտեսութեան բոլոր բարդ գործառնութիւնները միմիայն իրենց ոյժերով և իրականացնել դեռ ներկայ կարգերում, — կօպերատիւնների, արդիւնաբերող ու սպառող ընկերակցութիւնների միջոցով — համայնական սեփականատիրութեան ու տնտեսութեան մի քանի ձևերը:

Կօպերատիվ աշխատանքը տարածւում է նաև գիւղական աշխարհում, ուր միեւնոյն ժամանակ կատարելագործւում են արդէն վաղուց գոյութիւն ունեցող համայնական սեփականատիրութեան ու աշխատանքի տեսակները: Կօպերատիւնները ոչ միայն միջոց են որոշ չափով ապահովելու աշխատաւորների սուօրեայ շահերը, այլև ճանապարհ՝ գործնականապէս համայնական ոգով դաստիարակելու աշխատաւորներին, պատրաստելու նրանց ապագայ սօցիալական կազմակերպութեան համար:

Աշխատաւորական կուսակցութիւնները միւս կողմից անդադար կռիւ են մղում քաղաքական հողի վրայ, քանի որ տիրող անհաւասարութիւնը պահպանւում է գլխաւորապէս բուրժուազիայի քաղաքական գերիշխանութեամբ:

Օգտուելով անցեալի փորձերից և իրենց յարաճուն ազդեցութիւնից, նրանք պատրաստւում են ձեռք ձգելու քաղաքական դեկր, որպէսզի ստեղծեն նպաստաւոր պայմաններ իրենց սօցիալական իդէալի իրագործման համար. ուսկալարացնել ամենալայն չափերով քաղաքական կազմակերպութիւնը, վերածել պետութիւնները դաշնակցական. ուսկալար հանրապետութիւնների, ապակենտրոնացման ամենաընդարձակ հիմքերի վրայ և իրագործել էքսպրոյրիացիայի (արտագրաւում) միջոցով սօցիալիստական կարգերը:

Սօցիալիզմը կը հաւաքէ իր դրօշակի տակ ամբողջ



տառագող մարդկութիւնը, կուելու համար միջազգայնորէն կազմակերպւած շահագործման ու բռնակալութեան դէմ:

Նա կը հարթէ ճանապարհը դէպի անհատի և հասարակական միութիւնների ազատ, բազմակողմանի և ներդաշնակ զարգացումը. նա հրապարակ կը հանէ այն բոլոր դրական ուժերը, որոնք թագնւած են մնում այլ և այլ ձևերով արտայայտուող ճնշումների տակ:

Նա կը խորտակէ այն բոլոր անջրպետները, որոնք շերտաւորում են փամփայտակալից հասարակութիւնը, բաժանելով նրան հպատակ ու հակամարտ, թշնամացած զստակարգերի:

Նա վերջ կը դնէ շահագործման բոլոր յայտնի ու դիմակաւորուած ձևերին. կը միացնէ բոլոր ժողովուրդները մի հոյակապ Դաշնակցութեան մէջ, խաղաղ աշխատակցութեան հողի վրայ. նա կ'առաջնորդէ դէպի իսկական թագաւորութիւնը «ազատութեան, հաւասարութեան և եղբայրութեան»:

Եւ այդ իդէալը բոլոր տանջւածներին ու հալածւածների՝ չի ներկայանում մեզ՝ իբրև մի անհող, անխարիսն ցնորք, այլ միանգամայն իրագործելի մի հնարաւորութիւն, որովհետև նա ոչ միայն բղխում է իրերի օրեկտիվ, տարերային ընթացքից, այլև թեւադրում է հրամայականորէն՝ պատմութիւնը առաջ շարժող մասսաների ու անհատների կամքից, խղճից ու բանականութիւնից:

Պատմութեան օրեկտիվ և սուբեկտիվ ստեղծագործող ուժերի զուգաւորման մէջն է գրաւականը այն անտարակուսելի յաղթանակի, որ պիտի տանէ աշխատաւոր մարդկութիւնը ընդդէմ թէ՛ բնութեան կոյր ուժերի և թէ՛ հասարակութեան մէջ դարերով թագաւորող ստրկութեան ու անարդարութեան:

# ՆԻԱԶԱԳՈՅՆ ՊԱՀԱՆՁՆԵՐ

## ՔԱՂԱՔԱԿԱՆ

Հ. Յ. Դաշնակցութիւնը, իբրև յեղափոխական և սօցիալիստական կուսակցութիւն, ձգտում է պաշտպանել հայ աշխատաւոր մասսաների բովանդակ շահերը, թէ՛ տնտեսական-զստակարգային, թէ՛ մարդկային-քաղաքական և թէ՛ ազգային-կուլտուրական, նպատակ ունենալով ժողովրդի ձեռքը տալ կառավարութեան ղեկը և այժմեան միապետական ու կապիտալիստական կարգերը փոխարինել լայն ռամկավարութեամբ ու արդիւնաբերութեան միջոցների համայնացումով:

Ղեկավար ունենալով սօցիալիստական սկզբունքները և կանգնած մեր բնական վայրերի իրական ու հասունացած կարիքների վրայ՝ կուսակցութիւնը առաջադրում է հետևեալ նազադոյն - minimum պահանջները.

- 1) ԹԻԻՐՔԱՅ-ՀԱՅՍՍՏԱՆՈՒՄ՝ Քաղաքական-տնտեսական ազատութիւն, հիմնւած տեղական լայն ինքնավարութեան և դաշնակցական կապերի վրայ, Օսմանեան պետութեան սահմաններում:
- 2) Օսմանեան կենդրոնական կառավարութիւնը, հիմնւած ժողովրդական ռամկավար ներկայացուցչութեան





սիստէմի վրայ, վարում է պետութեան ընդհանուր գործերը — արտաքին քաղաքականութիւն, զօրք, դրամ, մաքս պօստ-հեռագիր, պետական միւս ֆօնկիսիօնները թողնելով տեղական ինքնավար շրջաններին:

3) Թիւրքաց-Հայաստանը, իբրև Օսմանեան ֆիդերատիվ պետութեան մի մասը, վայելում է ազատութիւն իր ներքին գործերում: Նրա բոլոր շրջաններն ու համայնքները ներքին խնդիրներում նոյնպէս վայելում են տեղական ինքնավարութիւն:

4) Թիւրքաց-Հայաստանի թէ կետրօնական և թէ առանձին շրջանների օրէնսդրական-վարչական բոլոր մարմինները պէտք է ընտրւին ընդհանուր, հաւասար, ուղղակի, գաղտնի և համեմատական ձայնատուութեան սկզբունքով, առանց ցեղի, կրօնի և սեռի խտրութեան:

5. ԱՆԴՐԿՈՎԿԱՍԵՍՆ ռամկավար հանրապետութիւնը կազմում է Ռուսաստանի ֆեդերատիվ հանրապետութեան անբաժան մասը, կապւած նրա հետ պետական ինքնապաշտպանութեան, դրամական սիստէմի, մաքսի և արտաքին քաղաքականութեան խնդիրներով:

6) Ներքին բոլոր գործերում Անդրկովկասեան հանրապետութիւնը անկախ է, ունի իր կենտրոնական պարլամենտը, ընտրւած՝ ընդհանուր, հաւասար, ուղղակի, գաղտնի և համեմատական ձայնատուութեան սիստէմով: Իւրաքանչիւր անդրկովկասցի, որ անցրել է 20 տարին, իրաւունք ունի, առանց սեռի խտրութեան, ընտրելու:

7. Անդրկովկասը ուղարկում է Ռուսաստանի համապետական պարլամենտը իր ներկայացուցիչներին՝ ընտրւած ձայնատուութեան նոյն սիստէմով:

8) Անդրկովկասեան հանրապետութիւնը բաժանուում է կանտօնների, որոնք վայելում են տեղական ամենալայն ինքնավարութիւն: Համայնքները նոյնպէս վայելում են

ինքնավարութիւն՝ զուտ համայնական խնդիրներում:

9) Կանտօնների սահմանները որոշելիս՝ պէտք է յրկատի առնել ազգաբնակչութեան տեղագրական և կուլտուրական առանձնայատկութիւնները, ըստ կարելոյն միաձոյլ համախմբումներ կազմելու համար:

10) Օրէնսդրական, դատաստանական, վարչական բոլոր մարմինները, ինչպէս և պաշտօնեաները ընտրւում են, ժողովրդի կողմից, վերև յիշւած ընտրողական սիստէմով:

11) Ուղղակի օրէնսդրութիւն, բեֆերէնդուտի և նախաձեռնութեան իրաւունք:

ԸՆԴՀԱՆՈՒՐ ՊԱՀԱՆՁՆԵՐ ԵՐԿՈՒ ԵՐԿՐՆԵՐԻ ՀԱՄԱՐ

12) Ազատութիւն խօսքի, մամուլի, խղճի, ժողովների, միութիւնների և գործադուլների:

13) Եկեղեցու բաժանուժը պետութիւնից: Կրօնը անհատական խղճի գործ է:

14) Ազգերի ինքնորոշման իրաւունք: Կատարեալ հաւասարութիւն բոլոր ազգերի ու կրօնական համայնքների: Ոչնչացումն զստակարգային բոլոր առանձնաշնորհումների:

15) Անձեռնմխելիութիւն անձի, բնակարանի, նամակադրութեան:

16) Ազատութիւն տեղափոխութեան: Վերացումն անցագրերի:

17) Ընդհանուր, պարտադիր և ձրի սկզբնական ուսում պետական հաշուով: Դպրոցների աշխարհականացում: Դասատուութիւն մայրենի լեզուով:

18) Ձրի դատավարութիւն:

19) Կուլտուրական նպատակների յատկացրած պետական, կանտօնային և շրջանային բիւջէի բաժանումն առանձին ազգութիւնների միջև, համաձայն ազգաբնակչութեան քանակի, դրա գործադրութիւնը, ինչպէս և իւրաքանչիւր



քաջիւր ժողովրդի կուտուրական գործերի ղեկավարութիւնը յանձնելով ընտրած ուրոյն մարմիններէ :

20) Համայնական և կանտոնային բոլոր պաշտօնեաների համար պարտաւորական է տեղական երկու գլխաւոր լեզուների իմանալը, իսկ ընդհանուր պաշտօնեաների համար՝ երեք գլխաւոր լեզուները : Պետական լեզուն պարտաւորական է :

21) Ժողովրդական միլիցիա՝ մշտական զօրքի փոխարէն : Ամեն մի առողջ քաղաքացի պարտաւոր է որոշ ժամանակով պաշտօնավարել, իրրև միլիցիական : Միլիցիան պաշտօնավարում է իր շրջանի սահմաններում : Նա ենթարկում է ընդհանուր զօրահաւաքի միայն այն դէպքում, երբ ընդհանուր պետութիան ազատութեանը և ամբողջութեանը վտանգ է սպառնում :

Իւրաքանչիւր միլիցիական՝ ծառայութեան ընթացքում ստանում է վարձատրութիւն, աշխատանքական նւազագոյն օրավարձի չափով :

## Տ Ն Տ Ե Ս Ա Կ Ա Ն

1) Հողերի համայնացումն :

2) Հողը դադարում է մասնաւոր սեփականութիւն և վաճառքի նիւթ լինելուց :

3) Արքունական, կալւածատիրական, կրօնական հիմնարկութիւններին պատկանող, ինչպէս և բոլոր այլ տեսակի հողերը դարձնել ամբողջ ժողովուրդի սեփականութիւն :

4) Հողից օգտւելու իրաւունքը պատկանում է աշխատաւորներին, աշխատաւորական սկզբունքով, - իւրաքանչիւր աշխատաւոր իրաւունք ունի այն չափով հող մշակելու, որ կարողանայ, առանց ուրիշի աշխատանքը չհանձն

գործելու, բաւարարութիւն տալ իր և իր ընտանիքի սպառողական պահանջներին :

5) Հողի տնօրինութիւնը և նրանից օգտւելու ձևերի մանրամասն որոշումը պատկանում է գիւղական և քաղաքային համայնքներին :

6) Կենտրոնական և շրջանային վարչութիւններին վերապահւում է իրաւունք՝ պարբերական հողաքաթանումների միջոցով՝ իրականացնել հողերի միջշրջանային և միջհամայնական հաւասարացումը :

7) Համայնքից ընտրած մարմինների կարգադրութեանն են յանձնւում համայնական ընդհանուր նշանակութիւն ունեցող գեոլոգներն (անտառներ, արօտ) ու ջրերը (չարժոյժ, ձկնորսութիւն) և դրանցից ստացւող եկամուտները գործադրւում են համայնքի կուլտուրական ձեռնարկների համար :

8) Հանքերը, ինչպէս և արտաքոյ կարգի արժէք ունեցող քնական այլ հարստութիւնները համարւում են պետական սեփականութիւն, և նրանց եկամուտները գործադրւում են համաժողովրդական-կուլտուրական նպատակների համար :

9) Վերացումն անուղղակի հարկերի (ի բաց առնելով պերճանքի առարկաները) :

10) Պրոգրեսիվ տուրք եկամտի և ժառանգութեան : Հարկից բոլորովին ազատել որոշ չափից պակաս եկամուտ ունեցողներին :

11) Ոչնչացումն հովանաւորական մաքսի :

12) Պետական ամենամատչելի կրեախտ :

Անմիջական վերացումն օլամի, բեգաւրի եւ այլ չը վարձատրուող աշխատանքների :

13) Պետական ապահովագրութիւն երաշխից, կարկտից, մորեխից, հեղեղից և այլ պատահարներից :



14) Համայնական կազմակերպումն հանուր ձեռնարկների՝ ինչպէս ճանապարհներ, լուսաւորութիւն, փուռ, սպանդանոց, հիւրանոց և այլն, որոնց շահագործումը ժողովրդական նշանակութիւն ունի:

15) Զարգացումն սպառողական, արդիւնաբերական և կոօպերատիվ այլ բնոյթ ունեցող ձեռնարկների:

16) Օրական 8 ժամեայ աշխատանք բանւորների համար, թէ քաղաքներում և թէ գիւղերում: Առողջապահական տեսակէտից առանձնապէս վտանգաւոր ու վնասակար գործերում՝ աւելի պակաս:

17) Սահմանումն նւազագոյն օրավարձի քաղաքներում և գիւղերում:

18) Աշխատանքի օրէնսդրական հովանաւորութիւն, գիտական առողջապահական պահանջների համեմատ: Վերացումն գիշերային աշխատանքի (բացի այն գործառնութիւններից, որոնց տեխնիկական բնոյթը այդ թոյլ չէ տալիս):

19) Վերացնել կանանց և երեխաների գիշերային աշխատանքը: Կանայք ազատ պիտի լինեն աշխատանքից ծննդաբերութիւնից վեց շաբաթ առաջ և վեց շաբաթ ծննդաբերութիւնից վեց շաբաթ առաջ և վեց շաբաթ յետոյ: Արգելել երեխաների աշխատանքը մինչև 15 տարեկան հասակը. իսկ 15-ից մինչև 18 տարեկան հասակը՝ սահմանափակել օրական 6 ժամով: Վերացնել պայմանաժամից դուրս աշխատանքը: Արգելել տուգանքի ձևի տակ օրավարձի նւազեցումը:


20) Կիրակնօրեայ լիակատար հանգստութիւն: Մահմեդականների համար՝ իրենց յատուկ օրը:

21) Գործարանական վերատեսչութեան ընտրութիւնը՝ բանւորների կողմից: Բանւորների մասնակցութիւն գործարանների ներքին վարչական գործերում:


22) Բանւորների ապահովագրումն՝ դժբախտ պատահարներից, հիւանդութիւնից, ծերութիւնից և անաշխատութիւնից, պետութեան և գործատէրերի հաշուով:

23) Զրի բժշկութիւն: Տեխնիկական ձրի աջակցութիւն:

24) Աշխատանքի բորսաներ:










2013

« Ազգային գրադարան »



733  
NL0040507



